

Regiæ academia Aboensis h.t.
rector, Johannes Flachsenius,
s.s. theologia d...


Flachsenius, Johannes Henrici,

82 Aa 16/3



National Library
of Sweden

REGIÆ ACADEMIÆ ABOENSIS h. t. RECTOR,
JOHANNES FLACHSENIUS,
S. S. THEOLOGIÆ DOCTOR ET PROFESSOR ORDINARIUS,
PATRONIS LITERARUM OPTIMIS,
PATRIBUS CIVIBUSQUE ACADEMICIS,
S. D. P.



Atheda heic loci Academica, quemadmodum ante octennium serico, purpura & auro explenduit, pro-
vocans excitansque membra Universitatis singula, in adplausus publicos, in gratulantium symbola
& exultantium gaudia, Eloquentiæ Professore tunc temporis perorante & panegyristam agen-
te, quippe tunc vacanti Cancellariatus Academici functioni, Regio diplomate clementer suffe-
ctum fuisse, Excellentissimum illum Heroa & meritorum gloria immortalem, Illustrissimum Comitem,
DN. GUSTAVUM ADOLPHUM DE-LA-GARDIE, Senatorem Regis Eminentissimum & Parlamenti
Regii quod Holmiæ est, Præsidem longè æquissimum, ex voto persentiit; quasi Ejus, veluti ad res gerendas maximas nati,
sapienti directione, auctoritate gravi, prudentiæq; plusquam humanæ actibus, salutem Academiæ adversus malevo-
lorum insultus servatam, & Facultatum omnium conamina, studiorum incrementis aucta fore, non falso conjectasset:
ita eadem, exutis proh dolor! pristinis ornamentis, fatis ita volventibus, tota ad mœstitiam parata & amicta lugubribus,
luctus ciet & gratantium voces in tristes convertit elegos. Imo, ore Artis Medicæ Doctoris, Prof. LAURENTII Braun/
de cetero facundo, nunc autem ad tristitiam composito, Eundem Heroa, illum sapientiæ Atlantem, Cancellarium beni-
gnissimum, opinione citius abiisse ad plures, personat gemebunda & anxie deplorat. Sic cessarunt eheu! res grandes in
usum Regis & patriæ gestæ, conticescunt eloquia, consilia, judicia, disertia, salutaria, ponderosa: desiderantur non sine
lacrymis, in illustri, at viduato toro, amplexus suaves, colloquia jucunda, mutui signa amoris. Solatio autem sit, grandium
in terris actorum famam vivere perennem, virtutis gloriam latè celebrari & maxima in Rempubicam merita in aula Re-
gis, in summis Collegiis, in orbe erudito nunquam obliterari. solatio sit, ea cita sed beatà morte, evasisse mundi illice-
bras, carnis prælia, ultimi temporis mala quæcunque & difficultates. solatio denique sit, mortem, tam pii Herois esse
somnia duntaxat: corpus in quiete expectare Salvatoris adventum, animamque sanctam ministerio Angelo-
rum in Collegia Cœlestia, in sinum Abrahæ, in Thronum Christi, deportari, & id possidere quod devotè suspiramus
omnes. Dum vero piis, magni hujus Acad. hætenus Cancellarii manibus, superius cum laude nominatus O-
rator, die futura Mercurii i. e. 30 hujus mensis h. 8, in Auditorio maximo, publico nomine parentare constituit,
idem ego, qui summos Musarum Patronos, Urbis honoratiores accolos, Patres Civesque Academicos, ante
octennium ad Orationem gratulatoriam officiosè convocavi, nunc Eosdem eorumque Successores, ea qua par
est observantia, ad Ejusdem Herois exequialem audiendam mœstus invito, etiam hoc modo debita justa persoluturos,
imo Viduam Illustrissimam Dn. Comitissam ELIZABETAM *Orenstierna*/ hoc flebili casu valde consternatam,
vel hoc parato solamine, ex hac provincia consolaturos. Perscr. sub sigillo Academico 27 Octobris, Anno
reparatæ salutis 1695.



